

船竄入情事先經職等會同各酌抽撥兵丁並經州府飭令州縣設立雉堞卡房雇募鄉勇協力巡防足資堵禦毋庸添設
彌卡所有各臺汛兵丁額數俱足並無短缺設立砲位自二千觔至一百五十觔不等照依原定方位安置足資防守仍各就
地方形勢遠近以海螺信勤爲號凡有盜警遞行吹放使官兵鄉勇得以集赴擒捕較之沿塘飛報尤爲迅速而沿海居民因
有官兵鄉勇巡防亦各勒相守望現有村民六百餘名遇有洋匪登岸情願隨同擒捕無不奮勇於沿海村莊可資防護至於
洋汛原配對哨船隻查職詔龍門協額設內河快馬船九隻外灘居（舟旁）船四隻拖風船九隻其快馬船隻止能於內港巡
緝居（舟旁）拖各船每年輪派出洋會哨或一二隻或二三隻不等前督憲長因居（舟旁）拖等船船身笨重駕駛不靈添撥
米艇十二隻配兵巡緝頗爲得力第盜匪每多帶有小船散赴沿海淺水處所游弋伺劫米艇入水較深止能在大洋深處
追捕不能駛近沿邊淺水巡防尚覺未盡周備經慶州府會同職詔查勘形勢必須添設快船協同巡防使無漏隙先經職增
捐買淺水快船五隻選雇鄉勇舵水製備器械並經職詔遴撥弁兵砲位配同出洋在於冠頭嶺迤西一帶協力搜捕並另募
南萬（水旁）各船十餘隻設法誘擒因查冠頭嶺洋面與永安港相距較遠設有匪船竄入風色不順即致阻滯難以追捕是
以職增現在復於適中之珠場彬畔添另設捕船三隻雇備鄉勇舵水器械職詔一弁配撥弁兵軍火梭緝巡防永安城募有
漁船九隻隨同協捕如此層層堵禦不特洋匪大船難以偷越入境小船亦無從窺伺即匪船較多並可協力擒拿不致兵單
船少如本月初二日有盜首和合令夥盜陳某等探聽官兵鄉勇捕船信息甫至淡水港淺水洋面即被捕船拏獲已屬明驗
職增現在查明拏獲匪首陳某等兵役鄉勇從優獎賞以示鼓勵計自善辦以來不復出洋匪伺劫之案然此等匪徒行蹤無
定巡防尤應加意嚴密所有沿海蛋艇向由地方州縣查取保隣切結給照稽察本地漁船俱係朝出暮歸百令澳甲約束止
須照文行實力辦理已極周匝無庸另議章程職詔自乾隆五十九年十二月內領駕米艇到協俱係常川在洋巡緝遇有損
壞職詔隨時墊項修葺完好並無損壞遺失及另以別船充數情事除將各墩臺營房坐落州縣地方相距里數所設砲位數

目勛重逐一分款備列清摺繪圖註說呈 外所有職等遵奉札查緣由理合會同稟復憲台察核

洋巡

雍正八年以後嘉慶十五年以前舊例上班正月初一日起至六月三十日止係海安營遊擊統巡龍門協標左營都司右營守備分巡在樂民烏雷三口浪洋面會哨下班七月初一日起至十二月三十日止係龍門協副將統巡海安營守備隨巡在瀾洲烏雷三口浪洋面會哨每會哨一次按月具報嘉慶十六年三月新例上班係龍門協副將統巡左營都司左營守備分巡於三月初十日左營守備在瀾洲與海口協兵船會哨一次五月初十日統帶各船在白龍尾洋面自行會哨下班係龍門營左營都司統巡右營守備隨巡於八月初十日齊赴瀾洲洋面與瓊州鎮會哨一次十一月初十日在白龍尾自行會哨責成欽州稟報

哨船

龍門協左右二營原額設居(舟旁)船四隻拖風船九隻快馬船九隻乾隆五十九年十二月內奉文添撥大號米艇六隻中米艇四隻小米艇二隻添設官兵配船緝捕嘉慶四年奉准因居(舟旁)拖等船船身笨重駕駛不靈議以米艇撥抵裁居(舟旁)船一隻十一年復裁居(舟旁)船三隻拖風船九隻二十年復裁內河快馬船九隻酌改撈船現額大米艇三隻中米艇五隻撈

船六隻已上船隻俱係瓊廠承修

明兵備副使凌雲翼曰哨探者兵之耳目也哨探既真則先事有備如沿海守把官弁有警初至不能聞知及已於岸倉皇失措矣今後把總官務要督同各哨官弁多置哨船精選知水性之人遠出外洋分段探哨如有聲息先來傳報其附近各港官弁一聞警急隨即合宗(舟旁)約會截擊大洋以獲制勝之功都通志

總制胡宗憲曰夫謂之海防者則必防之於海猶江防者必防之於江國初每衛各造大青及風尖八槳等船百餘隻更番出洋

哨守海外諸島皆有烽墩可泊後弛其令列船港次每於風汎時協軍巡哨使不得越島深入則內地可以安堵總兵俞大猷亦請護樓船船數百隻分伏諸島往來巡探攻捕名曰遊兵而遠遏之於大洋之外講者多是之或謂海樓經月必有颶風巉巖複礁屢隅倖劍戟不可下碇是邀擊海上之難也蓋海戰之弊有四萬里風濤不可端倪白日陰霾咫尺難辨一也官有常汎使賊預知趨避二也孤懸島中難於登援三也將士利於無人掩功諱敗四也自嘉靖己卯後禦洋之法立哨探嚴緊官得預備則藩籬之守其法終不可廢故必哨賊於遠洋而不常厥居擊賊於內洋而不使近岸斯策之最善而當時之議亦卒未能易此者也

洪圖文編

霍渭厓曰守禦之方防微為上所謂防微者亦申保甲之制而已今請鄉立一老自相管攝十家為甲百甲為鄉出入互相覺知行檢互相糾察寇盜互相守望則沿海之民安能挺身潛迹獨出為非耶不幸有聚眾飄洋者制之有三要焉凡賊入俱由海港扼海港則入劫無路久自困矣復防奸民與通饋之粟米饋之酒肉利器絕其內交久自困矣又扼沿海之山沿海山出泉流為溪澗水清可食賊飄據洋中水鹹鹵以食則瀉以類則皮潰賊乏清水久自困矣此大略也

採渭厓集

明右僉都御史唐順之曰賊至不能禦之於海則海岸之守為緊關第一曩賊舟至飢疲巢穴未成擊之猶易延入內地縱盡滅之所損多矣然自來沿海戍守莫不擁城觀望幸賊空過謂可免罪而不顧內地之有警內地戍守亦幸賊所不到而不肯策應沿海今宜分定沿海保護內地內地策應沿海沿海力戰倘有所損宜坐內地不能策應之罪內地有警沿海幸完宜坐沿海縱賊之罪又如同是沿海地方賊由此方登岸此方却不擾累而擾累彼方賊由彼方登岸彼方却不擾累而擾累此方自來惟坐地方擾累者之罪今宜並坐賊所從入其沿海文武將吏有能連次屢戰抵遏賊鋒阻賊下船不得登岸深入者雖無首級以奇功論採荆川集

清粵督楊應琚龍協會哨章程摺

為清明地方海道情形酌請變通以收實效事該臣看得粵東各路洋巡會哨一案先於乾隆十七年經前任督臣阿里衮題請各路分為上下兩班每班會哨二次內自海安至龍門為西下路每年下班以龍門協副將為統巡於七月初十日與吳川營遊擊會哨於甸（石旁）洲洋面九月初十日與瓊州協副將會哨於白沙洋面經部復准遵行在案嗣據龍門協副將陳汝健以龍門陸路兵防較重於海洋遠涉甸（石旁）洲洋面會巡難免顧此失彼且由龍門至甸（石旁）洲海道危險砂礁錯雜自奉行會哨以來官兵頗有疎虞稟請酌量變通於地方海道兩有裨益等情經臣行司查議去後茲據布政使石柱會同按察使沈偉業詳稱行據廉州府知府周碩勳會同龍門協副陳汝健查明定議由該管道鋪覆核移會到司查龍門一協水陸相兼具所轄防城等處陸路塘汛環繞十萬八山北連西粵西接安南乃全省西咽喉實非專管水師各協營可比而甸（石旁）洲居龍門之東與吳川雷州等協營聲勢聯絡呼吸相通又與毗連西粵安南之緊要汛防有間從前議令該副將遠涉海洋前至甸（石旁）洲會哨往返三千數百里實有顧此失彼之慮且自龍門至甸（石旁）洲海道危險砂礁錯雜中間並無泊船處所而巡期又在七月時屆初秋暴颶靡常故自乾隆十八年奉行會哨以來該協頗有擊碎戰船淹沒弁兵沈失器械動項卹賞修造之事伏查本案於乾隆十五年經兵部議覆閩浙總督喀爾吉善條奏以海洋駕駛全憑風信設遇颶風忽起既不敢引避以蹈失慎之愆而衝擊覆溺事所必有修船卹賞徒滋糜費現在奉天水師官兵與天津水師因中有沙淤水淺之處難以會巡業經議令仍照舊例在案又乾隆十七年兵部原題內云江南蘇松狼山二鎮接界官兵向不定期會哨緣海洋風信靡常山島形勢各異船隻不能收泊實難定期會巡應令仍照舊例毋庸另定章程各等語今自龍門至甸（石旁）洲其情形與奉天天津蘇松狼山事處無異自不便令其冒險輕試以致頗有疎虞該府協道鎮所議委係該處實在情形但西下路下班以龍門協副將為統巡係題定章程未便遽請更易祇應將七月初十日與吳川營遊擊會哨於甸（石旁）洲之處就近改委一員代往甸（石旁）洲之廣州灣洋面與吳川營遊擊會哨該副將仍督帶隨巡官兵往來龍門海安各洋

而實力巡查庶章程無其紛更而聲勢仍屬聯絡其代往會哨之員宜有上班隨巡之句（石旁）洲營都司已於五月底撤師
七月內正值空閒應令該都司屆期配駕本營戰船就近代往會哨照例聯銜通報並委員前往稽察如有潛泊偷安違期不
到即行揭參再原定該副將於九月初十日與瓊州協副將會哨於瓊州白沙洋面之處查瓊州居龍門之東南其時已值深
秋風色漸正可以逐漸倉（戈旁）駛不致遲誤應令照舊會哨毋庸另議等由詳請核題前來臣覆查無異謹會同廣東巡撫
臣鶴年廣東提督臣胡貴合詞具題伏乞皇上睿鑒乾隆二十年六月十一日

楊應琚演放砲位摺

為勦明粵東砲臺情形請定大員演放之例以重海防以裨實用事竊照粵東沿海諸郡左為惠潮右為肇高雷廉而廣州中
處在在瀕臨大海遙對番瓊州一郡孤懸海外所屬州邑無非瀕海之區則設險巡防實為海疆要務惟是地方綿亘港汊
繁多前因措置未周每致海匪易於滋擾或岸行劫或聚黨販私防禦頗難追擒匪易然此等匪船必須收入海口始能停
泊而船內如無淡水接濟亦往往不能自存康熙五十七年間前督臣楊琳面奉聖祖仁皇帝指授方略題請於各屬海口要
隘堪以泊船登岸并凡有淡水可取之處均相地添設改築砲臺城垣共一百一十六座安置砲位派撥官兵防守由是匪船
未敢復行窺伺數十年來獲沾清晏鴻庥迨後又經歷任督臣題請添設砲臺一十七座而沿海一帶密布星羅防範極為周
密臣自抵任後因思各海口砲臺實為沿海之保障現今歷年既久其砲位有無銹損火藥砲子是否備貯足額每平必須大
員親往查驗演放始足以重海防而裨實用今臣因巡閱邊海地方營伍隨親詣各砲臺督同該處官兵逐一試演現各砲位
數尚無銹損又親驗火藥砲子亦俱按照砲位目每砲製備二十出存貯備用獨是通省砲臺甚關緊要稽之向例每年正九
兩月演砲僅委之就近文武等官其間更有轉委佐雜千把人員者官微任重難資整頓伏查京城演放砲位係蒙皇上欽點
王大臣前往監視即粵東將軍標所轄砲臺亦應將軍與副都統親詣督演則各鎮協營之砲臺亦應責成大員演放以昭慎

重查各鎮兵官例應於每年九月內巡查所屬營伍臣請嗣後除正月內演放砲位仍循舊例飭委就近文武務親身會同查看外其九月演砲之期應令各鎮臣於巡查營伍時親詣各砲臺率同該處文武逐一演放並查驗火藥砲子等項有無虧缺其撫標砲臺二座提標徑轄大鵬等營之砲臺亦於九月內令撫提二臣就近督演如遇督臣在省則撫標砲臺與督臣會同演放仍於歲底將演放職名日期照例彙冊題報庶海防益加整肅邊圉永慶安瀾且沿海安置砲臺處所皆係緊要口岸督撫提鎮大員均得於每年親歷巡視更於地方營伍交有裨益臣因事關海防要件與廣吏撫臣鶴年提臣胡貴面加商確意見會同訂合詞恭奏伏祈訓示乾隆二十年二月十五日

清知府周碩勳龍門不宜建城議

乾隆十九年六月奉制府發下調任龍協副將黃錫申稟龍島無城不足以資防禦近年又撥貯兵穀萬石移駐廉防廳經營其倉去海纒五六十丈恐慮意外不若建築土城爲便土城比舊木柵稍爲縮入計九百七十餘丈約估工料五千餘金是摺七八年木柵之費卽以成億萬載不拔之基也又距龍島海道二百七十八里有白龍城爲明季採珠太監行館可拆取舊磚添砌龍城垛口亦可省費應用春築夫工奈海外無可催覓請撥存城兵量給工食公私兩便理合繪圖貼說稟候裁奪

查得地方舉行一事必須實有裨益合於機宜庶帑不虛糜而事乃可久如龍門爲邊海重地築城垣以壯觀瞻誰曰不宜然熟籌形勢審察地利殆有不然者請備陳之按龍門自康熙二十三年建營以來向無城垣其地環海無陸路明季失於防範爲賊巢穴國初順治七年尚有海寇鄧耀楊彥迪楊二楊三洗彪輩相繼盤踞至康熙二十八年間海氛始靖此等麼麼膽敢與天兵抗敵盤踞多平原以地險足恃也曾親履確勘其建營之處有大小島嶼七十二選雖選選相通而處處可守北距欽州城海道六十里東距廣州府城海道三百八十里南臨大海東達雷瓊西接交趾龍島之南三十里有牙山東九十里有烏

雷山西二十里有紅沙灣有三口浪等汛均設砲臺駐兵防守爲龍島重門保障若牙山尤爲天險所謂一夫當關萬夫莫敵者此也從前海寇鄧耀等惟守牙山故連年猖獗後用計以奪其險始得勦滅各砲臺安兵七八十名至二二十名不等東西南三面門戶防守俱極嚴密此就島外形勢而論即深溝高壘無有逾於此者又就島內形勢而論四面皆山環島皆海週圍僅五里許是山卽城而海卽池非若平衍之處如南澳虎門可建城者比且貼近該營前後左右設有朝陽太平鍾龍得勝興隆揚威耀武鎮夷等八塾以資瞭望每墩各配兵二十名各安大小砲位是墩防更嚴於城守竊思龍營本是水師重在船而不在城該協統轄重兵戰艦排列自足揚威海上綏靖邊疆乃現居扼要之地又於耳目跬步之前請築土城是欲不守外而內殊守失水師本意假令其地可以築城亦何惜數千萬之帑項以壯觀瞻無如悉屬巉巖全是頑石並無泥土惟校場尚覺平坦浮土下亦俱沙石難於春築再安營必先爲水龍島環海鹹潮淡水難得西南隅有沙井冬春易涸止協署東南二井相連一龍井一大井官民汲飲全賴於此若議建城自未便置水井於城外奈二井均在嶺坎之下約深四丈有餘勢必從東南嶺上起築至嶺坎之下復自嶺坎之下接築至東北嶺巔之上必多僱石工大費鉅鑿洵非易易今按圖似屬平坦豈知高高下下甚於蜀道盤叢用磚石則所費不資用泥土則無土可取若從別處輓運無論以金換土且恐山勢臬（山旁）岬版築難施而四面環海隨山勢高低以築尤恐潮汐往來颶風震撼亦不免旋築旋圯又查龍島烟戶冊兵丁八百餘戶民人僅一百七十家尚係兵丁台戶其實並無民人誠如該協所云海外人夫無可僱覓倘募內地工匠航海修城勞費固多成功難必該協所云止需費不過五千金者非確論也若兵丁則各有操防何能日事畚耜（金旁）該協所云存城兵丁量給工食而令其築城曾亦非確論也愚謂龍門乃天造地設之險遠勝金城百雉不惟難以築城亦可不必築城康熙六十年間前任副將魏廷章者有建城之議行州估計旋以難行中止蓋地利本不宜城無可勉強者也至請折白龍城舊磚添砌龍城垛口之處其說似謬查各省沿海城寨乃明初備倭而設洪武十七年命信國公湯和巡視海上築城備倭是也康郡白龍城等建於明初

並非建於明季採珠時該城坐落台浦縣地方週圍三百八十丈高一丈公尺在府城濱海南七十里康熙十二年又經重修
勘得堵堞完整惟城樓坍塌現有水師外委帶兵駐守統論形勢如龍門駐有副將東至永安城駐有守備中間四五百里並
無武職大員未免呼應鮮靈而白龍城適居其中設海上有警可於此添設官兵為水陸中權俾聲援聯絡兼以策應郡城誠
為有益似未便以數百年已成之工輕議拆取磚料挪置別用拆不計航海運磚得不償失乎相應照舊毋庸更張緣奉飭議
事理擬合議覆奉旨圖臬一併恭繳乾隆十九年七月

周碩勳龍門營倉議

查得設汛安兵首資足食然調劑內地之兵食猶易而調劑海外之兵食頗難欽州龍門自乾隆五年建倉貯穀以來十餘年
間挪借空虛事關海防要務謹據查測臚列於左

一撥運東興街兵穀宜定每年買補章程也查龍門營原貯穀一萬石從前顆粒無虧嗣緣貼防東興街兵穀各縣不能隨時
採買致將營倉挪移一空雖蒙勒限買補若不預定章程恐此番買補後將不數年復蹈故轍矣按東興街戍兵二百零一名
除營弁養廉外實兵一百九十六名每名日給穀二升每穀一石扣解米折銀三錢五分又鹽羨銀二百兩赴運庫領回湊同
買補第合欵兩屬向來未有分買定數營員扣交銀兩亦多寡不齊因而州縣藉端觀望遂將營倉穀石撥運東興存儲多年
不買嗣後應將劃定數目令該州縣每年各分半買其營員扣存米折鹽羨亦各半分解不得參差又查龍協兵餉遞年俱兩
季請領各兵米折原不難兩次解清惟鹽羨領到遲早不一難免牽混請就近於府庫鹽羨項下每年動支銀二百兩湊同米
折以備買補之用俾穀價應手採買亦易不得挪動營倉再踵前弊

一管理宜有專責也查龍門孤懸海島外來之人難於資生比戶盡屬兵丁間有民人俱兵丁分戶營倉斷難責令苟且之廉
防同知經管且粵東丞倅差委日多廉屬距省窵遠往返經年龍門廳署無官已歷六載幸六載中倉穀無顆粒存貯將來一

知買足一應收放難容一日之員該同知原駐防城乾隆八年移駐龍門原議凡有海疆事宜與副將協同料理但會哨操防錢糧器械均無需同知再參末議看倉之外別無民事將五品官竟作倉大使於體制亦不相宜惟請協左右兩都可雖每年輪班出洋必有一員在署伏思設立營倉原為營兵起見與州縣所設營平倉不同典守之責固宜付諸營員况接濟兵糧又與州縣之平糶迥別何也彼海巖窮卒多無隔宿之糧非如州縣鄉民攜錢現買者比向係照時定價先行按名借給俟放餉時照數扣還買米其酌量各兵緩急情形及扣存戶餉稽查混冒拖欠等弊非該管武職不能辦理若責諸不相管轄之同知勢必事多掣肘不獨此也龍門前後左右無非兵丁同知胥役寥寥諸凡呼應周靈如石島倉貯最易潮濕宜加曬晾水火盜賊宜加提防若以人寡孤之同知獨肩此任則可慮者正多應請都司經營收放同知監同稽查方為妥協至每年酌借約以一千五百石為率請飭該都司將價銀移交合欵分買補糶不得卸之營員而倉儲永實矣

一倉儲經費宜加籌畫也查營倉已設斗級二名乾隆八年原建倉廩一十三間日久坍塌急應修葺現飭該州估計冊籍惟是炎海蒸濕如廩一木旁一柱片板之屬竹墊氣筒之類節年均需添換牆垣亦宜不時粘補凡此細微需用在所不免營中公費有限勢難賒墊查營倉一十三間請每年年間酌給修理銀二兩鋪墊銀五錢歲共需銀三十二兩五錢或於穀價盈餘內支或將奉提靈山縣原解磨山書院膏火充公銀三十七兩零交該都司等作為營倉公用尚餘銀四兩五錢零積貯靈山縣庫如值營倉大修詳明奏用庶營員料理裕如營倉可垂永久仍令該營新舊交代以專責成

一買補穀一萬石宜協同公辦也查廉屬邊海瘠苦若令合欵二州縣各買穀五千石加以東興街兵穀及應補本營平糶為數甚多一時官民爭買市價頓昂於民食有礙查龍島先年乃海寇盤踞之地自明季至國朝如鄧耀揚彥迪揚二楊三之徒出沒撫郡劫掠高雷幾無甯歲自康熙二十三年設龍門協官兵以據其巢而扼其吭海氛始靖今高雷廉三府官民坐享昇平之福垂六丁餘年矣按籌海經略云龍門港為全粵西路咽喉又三才圖云龍門在廣東西面其占城暹羅安南入內必由

龍門島經過則不止為一州之隘口實為全廣西路要區等語是龍門形勢就坐落地方而論則為欽州之龍門就海疆扼要而論則龍門不獨與高雷共之亦與全省共之今籌兵食以捍邊圉自應鄰府協同公辦請將穀一萬石飭令附近高雷沿海州縣與合欽二屬按數買俾眾擊易舉不獨塵索一清且使戍卒飽騰海疆永奠矣

一營倉按照時價買補無所賠累惟東興兵穀題定每石價銀五錢合計米折鹽羨無閏之年每石實止四錢九分四釐一毫一絲有閏之年每石實止四錢八分二釐七毫原不足部價伍錢也乃營員又於米折鹽羨內每石先扣水脚銀二分四釐五毫年來雖收成豐稔何有每石五錢之賤價邊海州縣養廉有限勢不能於明賠之外又有時賠查合浦運龍門水程四百里每石每百里水脚七釐共該銀二分八釐欽州運龍門水程一百里每石水脚七釐歷在火耗內支銷其自龍門運至東興水程三百五十里向係營員自運每石每百里亦按七釐算共該銀二分四釐伍毫應一體在於火耗內支給其穀價不足五錢者撥項彌補以敷部價庶承辦之員不致掣肘而積弊可除矣乾隆十六年六月

渡廉州海道

自龍門開船東行二十里至牙山又十五里至蘇蓋頭內港可通犀牛角頭又十五里至汲水門又十里至烏雷嶺其前為香爐塾有礮臺對河為玳瑁墩其外為三墩墩外屬外洋有門二門中礮臺外出小門由南臺內亦可避風岸旁伏礮軍砲在焉出烏雷門即為三娘灣商漁聚集一夫市也灣面有沙橫出海外互數十里名曰南沙尾沙外外洋舟行至此放航南向繞過沙尾轉舵向東歷大觀港那隆西場等處海面始達三汊港口港復分三一達高德一由泥江蠻港達於紅江口一由草鞋墩八字山九頭廟達於西門河

上欽州水程

自龍門開船北上十里至白山洲內洋有地名辣椒槌又名背風洲舟行遇風於此可避渡又十里為茅墩其海面則為黃坡門水中多暗石過此則為內河上十里為葵子由此抵州僅三十里其對岸為沙井為排榜亦可達於州城自葵子而上為獨攬為欄木